

Su maistru de pannu balenti



Unu maistru de pannu fut in sa butega sua sestendu una bella camisa.

Totu in una iat intèndiu sa boxi de unu bendidori de cunfitura:

“Ajò sa cunfitura bella, ajò ca est barata. Est bona e a bonu prètziu, benei, benei totus!”

Sigomente teniat unu pagu de fàmini su maistru de pannu si fut incrarau a sa fentana e iat comporau unu botixeddu de cunfitura..



S'iat segau una fita de pani, dd'iat cundiu cun sa cunfitura e iat incumentzau a si ddu papai, sighendi però a traballai. Desuncunas erribat una mesu dusina de muscas chi iant leau cussu fragu bonu, e si furint postas pròpiu in su pani.


E cini s'at cumbidau a papai, iat nau su maistu de pannu inchiету. Boddit unu cintzu e scudit una calada forti, bocendi totu sa musca a corpu solu.



Spantau po su chi iat fatu, pensat de contai sa balentia sua a totu is bixinus de domu.

Ma prima iat scritu in su cintzu custus fueddus: **“UNU CORPU SETI MORTUS”**. A poi s’iat betau a coddu una tasca e a intru nc’iat postu un’unconi de pani e unu de casu e in deretura si nci fut essiu a giru contendi a boxi manna s’impresa sua: **“Nd’apu mortu seti cun unu corpu ebbia! Unu corpu seti mortus!”** Totu sa genti fut pensendi ca iat mortu seti òminis!

Su maistu de pannu sighit a caminai e agatat unu pilloneddu tentu in una lèntzia e si ddu betat a sa tasca cussu puru.




A pustis de unu pagu de ora atòbiat a unu unu giganti! Po si bantai fintzas cun cussu de s'impresa sua dd'iat nau: “Saludi bon’òmini! Ddu bìt ita nc’est scritu in su cintzu miu? **UNU CORPU SETI MORTUS!**”

“Ellu no at a essi a beru” - iat nau su giganti- “Chi ses aici forti nci dda fais a ndi bogai s’abba de sa perda”.

Ndi boddit unu crastu, ddu strecat cun is manus e de sa preda ndi essit una pariga de stiddus de abba!

“Eh. Cosa manna as fatu!”- dd'iat nau su maistu de pannu- “Cussu ddu sciu fai deu puru”.- A scusi betat sa manu a sa taschedda, ndi boddit s’unconi de casu, narendi ca fut una perda e ddu strecat forti forti fintzas a ndi ddi fai calai su sùciu!




Su giganti non podiat crei a su chi fiat biendi e pensat de sighiri a provai is fortzas cun issu. Nd'iat arregortu unu crastu mannu e nci dd'iat isbentulau a tesu a tesu. Poi castiendi a su maistu de pannu e dd'iat nau:

"Prova a nci ddu scuriri prus a largu chi nci dda fais".

Sempri senza si fai bìri, betat sa manu a intru de sa taschedda e ndi bogat cussu pilloneddu chi iat agatau in caminu. Fendi sa finta chi fiat una perda nci ddu scudit a s'àiri. Su pilloneddu, iat pigau su bòlidu, bolendi in artu in artu fintzas a non si bìri prus!

"Unu lampu chi ti calit!" -iat nau su giganti-
"Ma tui ses forti a beru! Est giai scurighendisia, beni cun mimmi ca po notesta t'allògiu in domu mia".






Nau e fatu lompent a una gruta acantu ddui fiant atrus gigantis. Custus dd'iant irriciu cun grandu cortesia e respetu, poita ca s'amigu insoru si ddus iat presentau po essi un'òmini forti e de coràgiu. Dd'iant sterriu una stoa in terra po letu e poi totus furint andaus a si nci corcari. In su coru de sa noti però su maistu de pannu balenti no nce dda faiat a si calai a sonnu, si ndi fut pesau e nci fut essia a foras de sa gruta.


Unu de is gigantis, ca creiat ca fut galu corcau in su letu, po si ndi segurai chi fut aberu aici forti, si ndi fut pesau a iscusi e iat scutu una calada de palanchinu a su letu de su maistu de pannu e pensendi de ddu ai mortu si nci fut torrau a dormiri. In su mentris su maistu de pannu fut contoniau a sa gruta e si nci fut torrau a corcai.

Sa dî infatu a mangianu su giganti iat
contau s'atzioni sua a is cumpàngius suos,
nendi de ai sperdiu a su maistu de pannu.

Totus andant a compudai su letu e ddu
bint ancora biu! Psendi fa fut unu spìritu
totus si ndi furint fuius spramaus a sa
timòria, aboxinendi che macus: "Mamma
mia, mamma mia, unu fantàsima! Currei,
fuei!"



Is boxis de is gigantis assuconaus ddas iant intèndias fintzas a su
palàtziu de s'Urrei chi candu fut bènniu a scìri de su chi fut
capitau, chi un'òmineddu pìticu iat bintu a unu muntone de
gigantis, dd'iat fatu tzerriai po ddu connòsci de personi.




S'Urrei iat irriciu a su maistru de pannu cun totu is onoris e biendi sa scritta in su cintzu, “UNU CORPU SETI MORTUS”, iat pensau tra issu: “Chi custu po ogha corpu chi donat ocìt seti òminis eus pòdiri bìnciri sa guerra in deretura!”. Ma a in antis de ddu pigai a servìtziu suu, s'Urrei ddu boliat provai.

“T'apa a donai sa metadi de totu is benis mius e a filla mia po sposa chi nci dda fais a bociri a duus gigantis malus chi bivint in su padenti a probi de su casteddu chi funt treulendi su Rènniu miu, bociendi e strumandu totu su chi agatant!”

Su maistru de pannu iat acetau e acumpangiu de is sordaus de s'Urrei si fut postu in deretura in caminu, conca a cussu padenti po bociri a is duus gigantis malus!

Lòmpiu a su padenti però iat nau a is sordaus ca fut tropu pirigulosu po issus e ca sighiat a solu. Sighet a andai e intendit a calincunu surrùschiendi forti, sighit a andai e agatat a is duus gigantis dormius a suta de una mata de pinu manna. Donendi cura po no ndi ddus scidai su miastu de pannu si fut prenu sa tasca de perda e si nci fut pigau a pitzu e sa mata de pinu. De incuni scudit una spalada de crastu chi ferit a conca a unu de is gigantis. Custu si ndi scidat e incurpat a s'amigu. Issu negat amarolla, ma finit incuni e sighint a dormiri.






A pustis de unu pagu l'òmpet una preda a scerveddadura a s'atru giganti chi si ndi scidat e incurpat a su cumpàngiu. Incumenciat a brigari malamente e de is fueddos passant a is manus.

“Brutu maimone chi non ses atru, chisti custu corpu! Piga cust'atru corpu! Colli custa scabessada!”

Pigant a si scudiri finas a candu si funt mortus a bestonadas unu cun s'àteru.



Su maistru de pannu, torrat acantu furint is sordaus de s'Urrei, contendiddis de ai mortu is ominonis mannus. Custus andant a biri e cun grandu spantu ddus agatant mortus!
Su maistru de pannu tandu andat a su palàtziu reali po presentai su contu a s'Urrei: “Apu fatu su chi m'eis nau de fai, immoe donaemi su ci m'eis impromèntu!”.

Su soberanu però boliat essi prus seguru e iat propostu un'atra prova a cuss'omineddu pìticu chi ddi pariat impossibili chi futt aici forti e balenti. “Apa a abbarrai in su fueddu chi nci dda fais a sperdi a s'unicornu chi est assuconendi is massajus de su rènniu miu, chi po sa timòria non funt andendi prus a traballai”.



“Sìssi o s’Urrei, acetu fintzas custu desafiu”.

Lòmpiu a su logu acantu fut s’arresi mitològicu. S’unicòrnu in deterura iat circau de ddu incorrai, ma issu a pisi nci dd’iat fata a si ndi schilliai a in antis chi su corru punciudu ddu passarit de parti in parti. Però sa bèstia fut torrendi a pigai su làncidu, custa borta prus afelau e inchietu. Su maistu de pannu iat pensau tra tra issu: **“Custu tentassioni ddu potzu bociri feti cun una trassa”.**



Nau e fatu si fut postu a innanti de una mata manna de ìlixi. Comenti s'unicornu fut arribendi a totu fua po ddu incorrai issu si fut spostau a e s'animali de picigai a issu iat picigau sa mata, abbarrandu arresciu in su truncu cun su corru. Su maistu de pannu tandu, cun una seguri dd'iat segau su corru po fai biri a s'Urrei sa prova de sa balentia sua, lassandu a is sordaus spantaus s'incàrrigu de acabbai s'unicornu.




Su soberanu biendisi custrintu iat nau a su maistu de pannu chi giai iat ai mantènniu su fueddu e dd'iat presentau a sa filla cun sa prmissa de si dda fai cojai sa dīs infatu. Po sa noti dd'iant allogiau in unu apusentu a costau de cussu de sa principessa. Cussa noti però su maistu de pannu si futt postu a chistionai in su sonnu: "**Dona cura a is aguxas, orciddia is agus, depu finiri sa camina, sesta e cosi, cosi e sesta**".

Sa filla de s'Urrei dd'iat intèndiu e iat cumprèndiu cali fut su traballu chi faiat. Sa noti andat acantu fut corcau su babbu e ddi scoviat su chi iat intèndiu. S'Urrei non podiat stogomai una bregùngia aici lègia, a donai su rènniu e sa filla sua a unu maistu de pannu. Po cussu iat pensau de ddu fai impresonai e de ddu cundennai a cosiri a totu vida is divisas de totu is sordaus de su rènniu suu.



Sa noti etotu una pariga de sordaus fidaus de s'Urrei imbucant timi timi in s'apostu de corcai de su maistru de pannu, s'apresiant a su letu a iscusi, ma totu in d-una su maistru de pannu atacat a chistionai a ogus serraus, comenti **Poita non provant a m'impresonai? Marranu! Apu mortu duus gigantis e un'unicornu, ciai m'ant a parri cosa is sordaus de s'Urrei!"** chi essi chistionendi in su sonnu: "E ancora: **Unu corpu seti mortos, unu corpu seti mortus**".

Is sordaus intendendi cussus fueddus e biendu chi po cumbinatzioni issus puru furint sete iant pensau: **"Piciò, nosu seus seti a beru, custu macu unu corpu nosi bocidi a totus! S'at a arrangiai s'Urrei. Ci ddu bolet arrestai ciai at a bènniri issu!"**, E si ndi furint andaus currendo a sa timòria.



Sa principessa iat biu totu sa scena, de comentì, mancai fessi unu maistu de pannu, cuss'omineddu fut forti e balenti aberu, e in un'ìbitu si fut innamorada de issu. S'Urrei tandu, arreconnoscendi su coràgiu de su maistu de pannu e biendi chi sa filla si ndi fut innamorada, iat acetau a si dda donai po isposa.

“Chi custu est su chi boleis si dònghio sa beneditzioni mia! E in bon’ora siat!

A pustis de pagus dīs si furint cojaus e iant bìviu pregius po totu sa vida, donende cuntentesa a totu sa genti.

.

Tandu po serrai su contu, podeus nai ca su
significau de custa stòria est ca a bortas sa
furbìtzia balit prus de sa fortza

